

广东通志

广

东

通

志

廣東通志卷一百二十

甲子重刊

關隘畧一

廣東在南服最爲完固地皆沃衍耕耨以時魚鹽之饒市舶之利資用易足也誠於無事時修完險阻積穀訓兵有事則越橫浦以徇豫章出湟溪以問南郡東畧七閩通揚越之舟車西極兩江用獐猺之弓矢且也放乎南海風帆頃刻擊楫江津揚舠淮渚無不可爲也豈坐老於重山巨浸間哉或謂廣東以守則有餘以攻則不足也昔者任囂謂尉佗曰南海僻遠東西數千里此亦一州主也可以立國佗用其言而有國者數十年五代時劉巖

承父兄之業擅有嶺南享國者亦且四世此善守之明驗也盧循徐道覆自嶺南圖江東而敗蕭勃自嶺南圖豫章而敗歐陽紇未越嶺南而敗王仲宣欲以嶺南復陳而敗張世傑欲以嶺南存宋而敗此議戰而不議守之過矣

方輿紀要

廣東之地介於嶺海之間北負雄韶足以臨吳楚東肩惠潮可以制甌閩西固高廉扼交邕之襟吭南環瓊島控黎夷之門戶而廣州一郡屹爲中樞山川綿邈環拱千里足爲都會矣肇慶接壤梧州指臂相倚溪洞猺獞藉以控制若四郊多事鼓棹西江不過六七百里而竟達番禺此上遊之險也

連州北通郴永可以直走湖南且西與平樂之賀
縣連界由此縱橫南北似爲輕易雖南雄密邇大
庾由嶺南下可以直走韶州然由連指韶潘美之
師實奪劉鋹之魄兵固無常勢矣潮州東接漳州
海寇窺伺必假途於此而柘林寨其首衝也廉欽
及高雷二郡與粵西皆犬牙相錯肘腋之防不惟
一族不僅爲交趾障蔽也利害之機安危之繫有
近而不察忽不及防者持籌粵東而第斤斤於番
船之恣擾鑛冶之奸頑抑末矣

同上

廣之大奚爲急水佛堂一門之障周迴有三十六
嶼廣二百里其西南之老萬山又過之潮之南澳

中分爲四與肇慶之海陵皆廣三百餘里廉之龍門島高之硃洲雷之澗洲蛇洋洲皆廣百里開闢之可以爲一縣皆廣南之餘地在海中者也

粵東筆記

廣州府

茲郡據五嶺之奧區爲三江之總匯東南百越之雄長也郡中南海番禺附郭輔車相依位置左右其十二邑或百里而近或三百里而遙碁布星羅四面環繞順德香山新安東莞地近海壤沃野平原阡陌連頃魚鹽之利貧民是賴然爲長鯨怖鯉出入之鄉洵屬海疆重地新寧新會三水清遠山圍水匝帆檣絡繹地盡要衝花縣龍門從化爲郡

城之屏倚岡巒綿亘壤地相交而山深叢密每易
藏奸增城則當循水下流爲廣州東陲之關隘而
三水清遠則西北之險要也第自古粵東要害首
在西北故湟谿陽山涯口秦設三關皆在連州之
境以保障會城今則車書一統秦越一家其要害
當不在西北而在東南矣至波浪接天晶瀾無際
蠔鏡一澳島嶼孤懸番夷聚族海舶連檣作會城
之藩衛扼要莫重於此至近自西北而來者則以
佛山爲門闕自東而來者則以石龍爲戶牖而虎
門重險尤在几席焉

府志
圖說

南海縣

治據府治之西偏背山面水與番禺分疆而立趾
相接也深村鰲頭南抵順德河清鎮涌先登西抵
三水清遠官窑驛北抵花縣沙頭爲西南海岸與
新會相接疆土遼濶而煮海採山多五方雜處之
人且地多險要巡緝難周特於金利三江口五斗
江浦黃鼎神安設巡司分據要害以聯指臂之使
上同

自析縣來列郡西南上束石門下瞰扶胥綱維嶺
海保障東南最爲雄隘至今司馬遙領於內大員
分統於外有駐防有營標有水師有陸軍其制尤
善而南海附郭省會則兼資其利者也

府志

太平關在縣西太平橋北明置

一統志

大清

五斗

司近境尙有新廟勝門頭新涌口通濟橋大塘尾汾陽里經塘朝市大基頭等隘口均係佛山陸汎

五斗司管屬設兵防守

縣冊

佛山鎮在縣西南四

十里當八府孔道爲縣大鎮今有海防捕務同知

駐此

一統志

大清

牛鼻鎮在縣西北五十里

元和志

南海縣大通一鎮

九域志

紫石戍在縣東七十里

赤岸戍在縣東百里

元和志

把截所五曰西廟

曰第二橋曰賊船澳曰石門曰長橋

郡國利病書

茅

濬埠在縣西南又有歐洲岡埠石門等埠

石門

府西北二十里兩山對峙如門據南北往來之衝

郡國志呂嘉拒漢積石江中爲門因名石門宋德

祐二年元阿里海涯遣將梁雄蜚狗廣東廣東將

徐直諒聞益王昱立於福州遣將拒之於石門爲

元兵所敗方輿紀要神安巡司在縣西南鹽步堡本

名秘冲寨明洪武三年置五斗口巡司在縣南

平湖堡明景泰三年置嘉靖八年移治磨刀石後

又移治佛山鎮尋又改置平洲曰平洲巡司大清

一統志在縣南西淋都平洲堡明景泰三年巡撫揭

稽同三司奏設粵大記金利巡司在縣西北十五

里桃子堡明洪武三年置黃鼎巡司在縣西南

寧口村明洪武三年置今遷新黃鼎江浦巡司

在縣西南龍江堡寨邊村本名鼎安砦明洪武三年置三江巡司在縣西大江北岸明洪武三年置本在側水村萬歷時遷於此今仍移駐側水

大清一統志

番禺縣

邑當五嶺脈凝三江與南海並附會城其地西偏盡屬南海大豐南岡東抵增城石岐渡南抵香山大橋茅山北分花縣東莞之濫尾汎從化之謝岡村俱壤址相接老子江自從化而來大通濬從佛山而下俱會于珠江水複山重沙田環繞村堡綿延守望相援稱沃土焉珠江下流至波羅爲惠潮

孔道三江之水會於黃木灣以入大洋琶洲赤岡
雙塔並峙而獅子山屹立中流大小虎門蹲踞海
口爲夷船聚泊之所尤爲番邑之險隘故鹿步沙
灣菱塘連綴三司復以縣丞移駐南村督同巡司
與營員交資巡緝非特整臺守汛倍加嚴密已也

府志
圖說

其險要山則鹿步有鶴田小逕黃登嶺頭慕園水
口慕德有帽峰山華木坑車頭整黎頭峒鶴岡正
逕口照鏡湖獅嶺有奇才營三溪圳屋簷水李溪
陂臺坑長山脚諸處介於增從二邑連岡接嶠中
鮮居民水則菱塘有獅子塔琵琶洲南箕西朗黃

佈赤沙赤子勒雙對岡沙灣有龍灣古壩紫泥市
橋烏洲神頭韋涌石基諸處俱沿海岸枕大洋出
八倏忽行舟戒警况路通島夷人習私販所煩於
借箸者奚止一二事哉府志

清水濠關在縣東清水濠口明置扶胥鎮在縣

東南三江口王存九域志縣有瑞石平石獵德大

水石田白石扶胥七鎮大清一統志把截所五曰

雙橋曰流水曰相對岡官渡頭波羅廟郡國利病書

白墳營廣州左衛官一員蠕江堡營廣州右衛

官一員神頭營廣州前衛官一員在城東營

廣州右衛官一員粵大記獅子營詳見海防謹案番禺流溪都

中舊有楊郭村萬歷間鄉為寨營明陳堂有新建楊郭寨營記以紀其事今廢

波羅等

八埠

郡國利病書

廣州右衛官一員

粵大記

波羅石岡

獵德烏涌車陂等埠皆有水軍巡守江路

方輿紀要

鹿步巡司在縣東鹿步堡石門莊當惠州孔道明

洪武三年置

沙灣巡司在縣南五十里白沙堡

明洪武三年置

本朝康熙三年遷毀今改駐市橋鄉

大清一統志

菱

塘巡司在縣南逕口堡舊菱塘寨明洪武三年改

粵大

今徙於塘頭村

議改營制疏菱塘司屬之南

郝玉麟

北方烟戶繁庶山路多岐匪類出沒較之別村更為頑梗而與市橋石基新造各緊要村庄路逕相通登高瞭望四面可及實為沙菱兩司適中要地向無官兵駐守其駐市橋都司又專管水汛不管

陸路是以匪徒潛匿緝捕為難似應如前督臣孔
毓珣原議將駐防市橋之虎門協右營都司移駐
南村帶領兵丁一百二十名居中調遣就
近督飭沙茨二司水陸塘汛協中巡防

募德

里巡司在縣西北河嶺堡明洪武三年置 花山

在城北一百餘里界番禺清遠從化三縣之間久

為盜藪今始擴清設防於此

廣東輿圖

順德縣

香山新會控制海洋順德則其重關也南海番禺
憑依省會順德則其外屏也故其地東北紫泥抵
番禺之龍灣南排諸汛東南容奇抵香山之鸚哥
嘴黃圃等汛西北毗連南海之西淋小布西南接
壤新會之潮連周郡廣輪幾三百里而縣治背倚

中山前襟海岸三漕海發源西樵會於桂林後入於疊石海蓋粵本海隅故順邑溪流皆以海名悉從西淋龍江灌注而東可稱澤國而黃楊尤險要

焉府志圖說

黃涌頭營四面環海所轄有仰船岡三瀝沙等哨

與新會接界方輿紀要磨刀海營詳見海防冲鶴堡在

縣南明正統十四年賊黃蕭養據此作亂又古樓堡在縣西南八里逢簡堡在縣西四十里東濱

錦鯉海

國朝設兵駐防有上下橋市集商賈輻輳一統志大清

馬岡巡司在縣南容奇堡馬岡村明洪武三年

在本都小灣開設 馬寧巡司在縣南馬寧堡舊

馬寧寨明洪武二年改粵大都寧巡司在縣北

四十里都占堡初治西淋堡後移此舊志縣北二

十五里爲都寧砦 江村巡司在縣西二十八里

江村堡明洪武三年置 紫泥巡司在縣東南四

十里紫泥堡明洪武三年置大清伏波橋

在縣南二里志云橋西南五里有城名石涌南越

相呂嘉故鄉也嘉聞漢兵分道南下於其地築石

甕金斗二城兵敗遂遁於此路博德遣兵窮追編

橋渡兵橋因以伏波名石涌卽石甕之訛也方輿紀要

太平山在城南八里山頂建塔有堠可望香山東